



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

3. Quotuplex sit Consuetudo & ejus effectus.

[urn:nbn:de:hbz:466:1-62177](#)

es, nullius est momenti, *can. Veritate, cùm ali-
quot segg. distinſt. 8. & corrupela dicitur, can.
Mala ibid. c. Cám venerabilis 7. b. t. & quidem
zantò pernicioſior quo diutius durat, arg. c. ult.
b. t. Erit autem rationabilis, si habeat conditio-
nes legis, enumeratas partim in *can. Consuetudo
dist. 1. partim in can. Erit autem lex distinſt. 4.*
quandoquidem legis autoritatē habere de-
bet. Ut tamen lex justa & rationabilis sit, &
consequenter consuetudo sufficit, quod talis sit
ut in pluribus, licet non sit talis in singulis, Præ-
sumitur autem rationabilis, si ranti temporis sit,
ut ejus instij non extet memoria.*

7. Tertiò requirit scientia Principis, ubi
populus Principem superiorem habet, & ejus
saltē tacitus consensus. Scientia quidem,
quia aliter nec adesse nec præsumi potest rati-
cūs Principis consensus, quam si ulūs sit ei ma-
nifestus. Requiritur autem tacitus saltē con-
sensus Principis, ad hoc, ut consuetudo vim
legis habere possit, vel legem abrogare: nec c-
ām inferior potest condere legem, aut contra
legem superioris quidquam statuere. Hinc ve-
rè tacitus consensus implicitè continetur in
definitione consuetudinis, in verbo, Moribus;
intellige approbat: siquidem peralios, quam
per approbatos, non inducunt consuetudo: &
ideo dicitur debere inducunt esse ex certa
scientia, non per errorem, *Glossa in can. Frustra,
ver. sc. item quod non per errorem distinſt. 8. Latè
Patr. i.p. decif. 524 nu. 4.* Sunt tamen, qui ve-
lunt non requiri specialem scientiam, sed suffi-
cere, quod Pontifex in *d. c. fin. b. t.* decreverit,
ut consuetudo legitimè præcripta habeat vim
legis statuendæ & tollendæ: quasi talis volun-
tas, ut eam vim habeat consuetudo, si racita
scientia & tollerantia consuetudinis in poste-
rum inducenda legitimè: ut eas vires sortiatur
absque alia speciali ipsius consuetudinis in
Principe scientia. Sanchez *De Matri lib. 7. dis-
put. 4.n. 11. Surd. Conf. 335 n. 68.* Imò id ipsum
obtinere quidam volunt etiam in consuetudine,
qua est contra ius, ut Monet. *De distribut. quo-
sid. p. q. 12 n. 19. & in Tract. de decimis c. 3. n. 88.*
Sanchez *d. lib. 7. disput. 82. n. 20. Wefenb. in
tit. DD. LL. n. 8.* ubi ait sufficere, quod Princeps
non contradicat, & hanc sententiam esse recep-
tiōrem tradit.

8. Ut autem non est de essentia legis, quod

sit scripta, quandoquidem causa obligationis
legis sit potestas Principis, explicata & appli-
cata per voluntatem ejus, aliquo signo extenso
sufficienter expressam, ad quod aullo modo est
opus scriptura: ita nec est de substantia seu es-
sentiā consuetudinis, quod sit non scripta, non
solum, postquam est introducta; quia licet tunc
scribatur, nihilominus manet consuetudo, ut
paret ex libris Feudorum, qui continent consue-
tidines, *juxta Rubr. Feud.* & omnes scribentes in
præludijs Feudorum Maranta 3.p. Speculæ aurei n.
83. & exc. 2. *De probab. in 6.* sed nec quoad
ejus introductionem:

9. Non obstat, quod in eo consuetudo à lege
distingui videatur, quod lex scripta sit, consue-
tudo non; & per hoc discrimen assignentur defini-
tiones legis & consuetudinis: quia istud discrimen,
& definitiones illud continent, non as-
signentur per sola essentialia, sed tantum per id,
quod ut plurimum accidit, prout plurimum
evenit, ut lex scripta sit, consuetudo vero non sit
scripta.

Distinguitur igitur in eo quoque consuetudo
à lege, etiam non scripta, quod lex semper con-
stituatur ex preslo consensu Principis, nec mori-
bus intentum introducatur: consuetudo vero
semper moribus intentum introducatur, & ut
plurimum accidit, consensu Principis confirme-
tur seu approbatur. Insuper de substantia legis
est promulgatio, non autem de substantia con-
suetudinis.

Et hæc quidem intelligenda sunt de consue-
tudine specialiter sumpta: alioqui sumitur ali-
quando generalius pro cojure, quod in commu-
ni usu est, ut in *can. Consuetudo Dist. 1.* dum dici-
tur, nihil differe a scriptura, an ratione consi-
stat: nam eo pacto sumpta non distinguitur à ju-
re scripto, sed potius illud sub se continet.

§. III.

Quotuplex consuetudo, & ejus effe-
ctus.

1. Effectus consuetudinis in genere.
2. Consuetudo, qua est prater legem, constituit
novum ius.
3. Consuetudo secundum legem ius dubium in-
terpretatur.
4. Consuetudo contra legem tollit legem.
5. 6. 7. Satisfit objectioni triplici.

Divi-

Dividitur Consuetudo in generalem & particularē. Rursus in Canonicam & Civilem. & utraque subdividitur in eam, quæ est præter legem seu præter jus; & in eam, quæ est secundum legem seu jus; ac denique in eam, quæ est contra legem seu jus.

1. Quantum ad effectum consuetudinis in genere spectat, ea est stricti juris, & servanda solum in suis terminis, neque extenditur de casu ad ceterum. *Surd. Conf. 407. n. 3.* nec de persona ad personam, *idem Conf. 371. n. 4.* nec de loco ad locum, *idem Conf. 323. n. 13.* Facit licet quodammodo forum fori, quod alias est illicitum quodammodo evitandam pœnam temporalem. *Surd. Conf. 227. n. 51.* tribuit jurisdictionem non habenti, & *Cum contingat a Deforo competenti, can. conuectus 1x. q. 3.* Attenditur autem ea, quæ vigeat in locis viciniis, quodammodo deest propria. *Surd. Conf. 311. n. 16.* Similiter attenditur ea, quæ est ultima: item ea, quæ est favorabilior. *Surd. Conf. 448.*

2. Consuetudinis, quæ est præter legem, effectus est constitutere jus novum, ubi deficit lex, *can. Consuetudo distincta. 1.* obligatque non minus in conscientia ad sui observationem, quam lex scripta, cum patrem habeat vim & auctoritatem: cuius tei ratio redditur in *L. de quibus, D. de LL.* Exempla hujusmodi consuetudinis habentur in *can. illa distincta. 11. c. 2. ii. de observat. regunij. e. fin. ii. de ferias.*

3. Consuetudinis, quæ est secundum legem, effectus est, non jus novum constituere, sed jus dubium interpretari: unde in *d. l. de quibus* dicitur optima legum interpretatio legem præ-existentem confirmare, & camadjuvare, ut coligitur ex *e. opere, ii. de censibus.*

4. Consuetudinis contra legem effectus est, tollere legem: non quidem naturalem aut divinam quandoquidem consuetudo ad jus humanum spectet, & ab humana potestate pendeat; sed humanam, sive civilem, sive Canonicam, modò justa & rationabilis sit, *c. ult. hoc tit. d. l. de quibus D de LL.* Tollit autem generaliter, si generalis sit: si vero sit specialis, abrogat specialiter in illo loco, in quo introducta est viger.

5. Non obstat quod in multis Canonibus dicatur consuetudo non prævalere legi sed est si-
cuit & veritati, credere debere; immo eam, qua
obviat Canonis iustitiae, nullius esse mo-
menti: quia loquuntur de consuetudine mala

& irrationali, quæ proprio non est consuetudo, sed magis corruptela, ut diximus, vel si lo-
quantur de rationabili, ut *c. Cum consuetudine 9. b. t. & l. 2. Cod. que sit longa consuetudo*, lo-
quentur vel de consuetudine facti, vel solum
volunt, consuetudinem non habere ex præcisa
ratione consuetudinis, quod vincat legem, pro-
ut verissimum est, & indicant illa verba, non tam
men usque ad eum valitura momenta, &c. Hanc
siquidem vim haber ex eo, quod sit lege poste-
rior, legi contraria: & tacito Principis consensu
approbata.

6. Et ideo non obstat, quod consuetudo
contra legem indicatur per actus multitudinis
seu populi, & quidem ab initio malos, ut pote
contra legem factos, nam ad eam introducen-
dam non requiri bona fides nec titulus. *Surd. Conf. 335. n. 68* sed sufficiunt diuturnitas tem-
poris, actuuum frequentia, & tacitus populi vel
Principis consensus. Et in eo distinguitur à præ-
scriptione, quæ non potest introduci, nisi per
possessionem, & actus ab initio justos ac bonos
fidei. Sic ut & in eo distinguitur, quod consue-
tudo constituat seu potius sit jus commune, non
item præscriptio: unde præscriptione acquiri-
tur jus alicui singulatim ac privato non item con-
suetudine. Rursus præscriptio & privilegium non
concurruunt, juxta *c. Inter dilectos S. caterum inf. de fide instrum. Venienti 19. inf. de rescript.* Influi-
per illa est actionis seu petitionis exclusio, hæc
actionis seu jurisacquisitio, *c. Confessio 47. inf. de electione, c in Genes 55. eod. tit.* Præterea
consuetudo erronea nihil juvat: è contra præ-
scriptio errore juvat, quia titulus sufficit putati-
vus, licet verus non sit, dummodo error pro-
babilis excusat, & det causam præscribendi, *jus-
ta l. ult. D. Pro socio.* Denique præscriptio habet
locum in immobilibus, spiritualibus & corporalibus, *c. Auditio & iug. inf. de præscript.* con-
suetudo in corporalibus, ut electionibus, juris-
dictionibus, servitutibus. Et quod consuetudo
possit tollere legem, non habet à multitudinis
seu populi, sed à Principis seu legislatoris, tacito
consensu, cuius eadem vis est cum expresso:
& malitia successu temporis purificatur; partim
per supervenientem ignorantiam probabilem
succedentium, partim per accidentem consen-
sum tacitum legislatoris, qui ut auctor est legis,
ita illam tollere potest.

Non

7. Non obstat denique, quod lex debeat esse rationabilis & justa; unde videtur sequi, consuetudinem, quæ contraria sit legi, fore injustam & irrationalibem: quia licet conuerudo, contra legi, camque abrogas, sit contra rationem talis legis, non tamen est contra omnem aliam rationem: si quidem contraria diversis respectibus possunt esse rationabilia, arg. e. Quia non debet, inf. De consanguinitate. Et hinc sit, quod consuetudo possit etiam abrogate legem, habentem clausulam, Non obstante contraria consuetudine, sive præterita scilicet sive futura, ex nova numerum & justa ratione superveniente, quæ injustitiam seu iniquitatem consuetudinis pro eo tempore, quo lex eam tollit, auferit. An autem consuetudo contraria legi vel statuto probetur per simplicem observantiam, an vero demonstrari debeat, quod in contradicitorio iudicio fuerit obtenta, quarti potest. Posterior tenet Surd. Conf. 393. n. 25. per l. De quibus, in verbis, in omnibus, D. De LL. & alios, quos citat.

§. IV. De Stylo.

1. Quid per Stylo hic intelligatur.
2. Stylo Curia Rom. ius facit.
3. Etiam in aliis Curis.
4. Stylo à consuetudine in quibus differat.
5. Allegans Stylo probare cum debet.

Quemadmodum Consuetudo duplicitur sumitur, prout vel est facti, vel iuris, seu ius quoddam: ita proportione quadam Stylos, prout speciatim à Juris peritis usurpatur, sumi potest vel pro modo ac formula quasi artificiali procedendi in causis & negotiis, ut docet Bart. in l. de quibus D. De LL. sive vocari Stylos facti: vel pro Jure quodam, ex huiusmodi formula & modo procedendi nato: 2. sic enim dicimus Stylo Curiae Romanae facere ius, maximeque in rescriptis attendi debere, e. Quam gravi, 6. inf. De criminis falsi & allegari posse in decisionibus, quando ius non est in contrarium, e. Ex litteris Iup. De constit. e. Litto, vnu 3. inf. De iuramento calumnia. Videatur Farinac. 2. p. Decif. 88, num 1. Et maximè in respiciens processum, & in modo procedendi attendi debet, Farin. 1. p. Decif. 704. nu. 6. Nec esset autem Stylos Curiae Rom. servari e-

tiam in omnibus aliis debet Curis Farin. 4. p. Decif. 212. n. 2. etiam extra statum Ecclesiasticum, maximè ubi agitur de interpretatione literarum Apostolicarum, vel statuti, à Sede Apostolica confirmati, ut idem Farinac. docet, ibid. Decif. 196. n. 2.

3. Differt verò Stylus à consuetudine, p. imd, quod Stylus sic in scribendo; consuetudo in aliis actibus Decius Conf. 11 nu. 12. Matil. Conf. 8. n. 27. Felin. in c. 2. num 18. Derecript. Secundū, Stylus versatur circa modum procedendi in iudicio; consuetudo circa definitionem, decisionemque causarum Alex. Conf. 36. n. 9 lib. 2. Stylus est particularis; consuetudo generalis, Felin. d' leo. Denique Stylus tantum introducitur ex actibus iudicariis: consuetudo tam ex actibus extra iudicariis, quam iudicariis.

6. Ceterum quemadmodum allegans consuetudinem, probare eam debet, ita & allegans stylum alicuius Curiae, cum probare tenetur, & quidem in individuo & concludenter. Farinac. 2. p. Decif. 486. n. 7. & Decif. 301. nu. 7. ubi alios citat. Quamquam, ubi respicit ordinatio iudicij, poslit Judex se de illo extra iudicialeiter informare, ut ibidem docet Farinac. Decif. 725. n. 5. Alioquin Stylus contra ius, & respiciens decisoria, concludenter probari debet non per simplicem fidem, ut idem docet 1. p. Decif. 256. n. 5. nec per fidem extra iudiciale Procuratorum. decif. 644. n. 4. Probatur vero ex assertione plurim Notariorum & Caussidicorum & inspectione aliorum processuum, Farinac. 1. p. decif. 393. n. 2. Quod de Styli duplicitate diximus, idem dici potest de Ritu, qui videtur significare usum & observantiam circa solemnitatem alicuius actus, aut ius quoddam non scriptum, ortum ex tali observantia solemnitatis circa tales aut tales actus.

TITULUS QUINTUS

De Postulatione Prælatorum.

1. Ratio ordinis.
2. Quid sit Postulatio.
3. Qui postulandi.

E 2

4.5. Ds-